

Na osnovu člana 23. Zakona o Vladi Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 8/15), Odluke Vlade Bosansko-podrinjskog kantona Goražde o davanju saglasnosti na Program utroška sredstava broj: 03-11-984/25 od 15.05.2025. godine i Programa utroška sredstava Ministarstva za unutrašnje poslove Bosansko-podrinjskog kantona Goražde sa ekonomskog koda 614300 - Tekući transferi neprofitnim organizacijama, broj: 07-01-11-3013/25 od 20.05.2025. godine ("Službene novine Bosansko-podrinjskog kantona Goražde", broj: 6/25), a u vezi sa Zakonom o izvršenju Budžeta Bosansko-podrinjskog kantona Goražde za 2025. godinu ("Službene novine Bosansko-podrinjskog kantona Goražde", broj: 1/25), Vlada Bosansko-podrinjskog kantona Goražde, na 132. redovnoj sjednici, održanoj dana 19.06.2025. godine, **d o n o s i :**

ODLUKU

**o odobravanju novčanih sredstava u svrhu realizacije Programa utroška sredstava
Ministarstva za unutrašnje poslove Bosansko-podrinjskog kantona Goražde
sa ekonomskog koda 614300 - Tekući transferi neprofitnim organizacijama**

Član 1.

Ovom se Odlukom odobravaju novčana sredstva u iznosu od **3.000,00 KM** (slovima/ trihiljadekonvertibilnihmaraka i 00/100) na ime sufinansiranja aktivnosti usmjerenih na afirmaciju i promociju programa iz oblasti unutrašnjih poslova i očuvanju sjećanja na poginule pripadnike policije Ministarstva za unutrašnje poslove Bosansko-podrinjskog kantona Goražde, utvrđenih u Budžetu Bosansko-podrinjskog kantona Goražde za 2025. godinu, na razdjelu 14, organizacionom kodu 141 - Ministarstvo za unutrašnje poslove, na ekonomskom kodu 614300 - Tekući transferi neprofitnim organizacijama ("Službene novine Bosansko-podrinjskog kantona Goražde", broj: 1/25).

Član 2.

Novčana sredstva iz člana 1. ove Odluke uplatiti u korist Udruženja veterana policije regije Goražde 1991. - 1995., na transakcijski račun broj: 132-500-20126314-68, otvoren kod NLB Banke d.d. Sarajevo - poslovnica Goražde.

Član 3.

Ovlašćuje se Ministar za unutrašnje poslove Bosansko-podrinjskog kantona Goražde da sa korisnikom sredstava iz člana 2. ove Odluke zaključi ugovor o korištenju sredstava, u kojem će se detaljnije regulisati prava i obaveze.

Član 4.

Za realizaciju ove Odluke zadužuje se Ministarstvo za unutrašnje poslove Bosansko-podrinjskog kantona Goražde i Ministarstvo za finansije Bosansko-podrinjskog kantona Goražde, svako u okviru svojih nadležnosti.

Član 5.

Ova Odluka stupa na snagu danom objavljivanja na službenoj oglasnoj ploči Bosansko-podrinjskog kantona Goražde, a naknadno će se objaviti u "Službenim novinama Bosansko-podrinjskog kantona Goražde".

**V L A D A
BOSANSKO – PODRINJSKOG
KANTONA GORAŽDE**

Broj: 03-11-1286/25
19.06.2025. godine
G o r a ž d e

P R E M I J E R

Edin Čulov



Komisija za odabir aplikacija (zahtjeva i projekata) po Javnom pozivu za prijavu prijedloga projektnih aktivnosti za učešće u Programu utroška sredstava Ministarstva za unutrašnje poslove Bosansko-podrinjskog kantona Goražde sa ekonomskog koda 614300 – Tekući transferi neprofitnim organizacijama

Broj: 07-01-11-3426-1/25

Dana: 10.06.2025. godine

Z A P I S N I K

sa sjednice održane dana 10.06.2025. godine u prostorijama Ministarstva za unutrašnje poslove BPK-a Goražde, sa početkom u 12:00h

Sastanku prisustvovali:

1. Subašić Edina, predsjednik;
2. Dedović Amir, član;
3. Huseinović Admir, član;
4. Ismin Bukva, član.

Dnevni red sastanka:

1. Usvajanje Poslovnika o radu Komisije,
2. Potpisivanje izjava o povjerljivosti i nepristrasnosti,
3. Otvaranje i pregledanje pristiglih prijava na Javni poziv broj: 07-01-11-3013-1/25 od 21.05.2025. godine,
4. Ocjenjivanje (vrednovanje i bodovanje) pristiglih projektnih prijedloga u skladu sa kriterijima za bodovanje utvrđene Programom o utrošku sredstava broj:07-01-11-3013/25 od 20.05.2025. godine,
5. Sačinjavanje Rang liste sa potencijalnim korisnicima,
6. Tekuća pitanja.

Ad.1.

U vezi sa prvom tačkom dnevnog reda, predsjednik Komisije za odabir aplikacija (zahtjeva i projekata) po Javnom pozivu za prijavu prijedloga projektnih aktivnosti za učešće u Programu utroška sredstava Ministarstva za unutrašnje poslove Bosansko-podrinjskog kantona Goražde sa ekonomskog koda 614300 – Tekući transferi neprofitnim organizacijama (u daljem tekstu: Komisija) u svom uvodnom izlaganju, prisutne članove je upoznala sa hronološkim slijedom poduzetih radnji i aktivnosti u vezi predmetnog Javnog poziva. Informisala je prisutne da dana 20.05.2025. godine, Ministarstvo za unutrašnje poslove BPK-a Goražde je objavilo Javni poziv za prijavu prijedloga projektnih aktivnosti za učešće u Programu utroška sredstava Ministarstva za unutrašnje poslove Bosansko-podrinjskog kantona Goražde sa ekonomskog koda 614300 – Tekući transferi neprofitnim organizacijama (u daljem tekstu: Javni poziv), broj:07-01-11-3013-1/25 od 21.05.2025. godine. U skladu sa članom 6. stav (4) Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 6/16 i 12/16), dana 22.05.2025. godine Javni poziv je objavljen na Internet stranici Vlade BPK-a Goražde, a dana 23.05.2025. godine u elektronskim medijima odnosno radio-televiziji RTV BPK Goražde. Rok za dostavu prijave na Javni poziv je 10 dana od dana objavljivanja, tako da je krajnji rok za prijave bio 02.06.2025. godine.

Rješenjem ministra, broj:07-01-11-3426/25 od 05.06.2025. godine, imenovana je Komisija za odabir aplikacija, u sastavu Subašić Edina-predsjednik, Dedović Amir-član, Huseinović Admir-član i Ismin Bukva-član. Zadatak komisije je da provede postupak odabira aplikacija (zahtjeva i projekata) apliciranih od strane udruženja sa područja BPK-a Goražde po Javnom pozivu broj:07-01-11-3013-1/25 od 21.05.2025. godine,

utvrdi usklađenost sa Programom utroška sredstava, sačini rang listu prijedloga potencijalnih korisnika, te nakon provedenog postupka sačini zapisnik koji će zajedno sa rang listom potencijalnih korisnika dostaviti ministru na dalje postupanje.

Predsjednik Komisije je predložila da se donese Poslovnik o radu Komisije, a prijedlog Poslovnika o radu je dostavljen svim članovima Komisije na razmatranje. Otvorena je rasprava povodom prve tačke dnevnog reda. Prisutni članovi Komisije nisu imali primjedbe na dostavljeni prijedlog Poslovnika o radu Komisije, te je isti jednoglasno usvojen.

Ad.2.

U vezi sa drugom tačkom dnevnog reda, predsjednica Komisije je predložila da svi članovi Komisije potpišu Izjavu o povjerljivosti i nepristrasnosti, kako bi se osigurala zaštita povjerljivih informacija kao i nepristrasnost, odnosno spriječile situacije sukoba interesa. Sa tim prijedlogom su se složili svi prisutni članovi, te su potpisali predloženi tekst Izjave.

Ad.3.

Predsjednica Komisije je upoznala prisutne da je od službenika Pisarnice zatražena službena zabilješka u kojoj je potrebno saopštiti broj zaprimljenih prijava po predmetnom Javnom pozivu. Na osnovu Službene zabilješke broj: 07-02-11-3413/25 od 05.06.2025. godine dostavljene od strane namještenika Kaljević Bisere, kao i prebrojavanjem dostavljenih prijava (koverti), Komisija konstatuje da je za predmetni Javni poziv zaprimljena ukupno jedna (1) prijava. Predmetna prijava na Javni poziv je zaprimljena na protokol Pisarnice u sjedištu Ministarstva za unutrašnje poslove Bosansko-podrinjskog kantona Goražde, u ul. Zaima Imamovića 5, 73000 Goražde, dana 29.05.2025. godine.

Komisija konstatuje da je zaprimljena jedna (1) prijava po Javnom pozivu, te da je zaprimljena prijava blagovremena, odnosno dostavljena u traženom roku.

Komisija je pristupila otvaranju i pregledanju zaprimljene prijave. Članovi Komisije su utvrdili da je podnosilac prijave:

1. Udruženje veterana policije regije Goražde 1991-1995.

Podnosilac prijave/aplikacije je dostavio sljedeću dokumentaciju:

- Rješenje o registraciji broj:UP-1:05-04-76/25 od 14.04.2025. godine izdato od strane Ministarstva za pravosuđe, upravu i radne odnose BPK-a Goražde;
- Projekat dostavljen na aplikativnom obrascu u skladu sa Javim pozivom, potpisan i ovjeren od strane predsjednika Udruženja od 29.05.2025.godine;
- Uvjerenje o poreskoj registraciji, od 24.01.2024. godine;
- Potvrda od banke kao dokaz o aktivnom transakcijskom računu, broj:112610/67/25 od 11.02.2025. godine, izdata od strane NLB Banka d.d. Sarajevo, Poslovnica Goražde;
- Godišnji izvještaj o poslovanju za period od 01.01.2024. do 31.12.2024. godinu, kao i Zapisnik sa satanka Skupštine Udruženja veterana policije regije Goražde 1991-1995, broj:01-01/25 od 19.03.2025.godine kao dokaz da je finansijski izvještaj za 2024. godinu usvojen.

Komisija konstatuje da su uredno dostavljeni svi dokumenti traženi Javnim pozivom, odnosno da je prijava blagovremena, uredna i potpuna.

Ad.4.

Javnim pozivom odnosno Programom o utrošku sredstava, utvrđeni su opći i posebni kriteriji za raspodjelu sredstva koje udruženja/neprofitne organizacije moraju ispunjavati.

Opći kriteriji koje moraju ispunjavati udruženja/ neprofitne organizacije su:

- da je udruženje/neprofitna organizacija registrovana na području Bosansko-podrinjskog kantona Goražde;
- Da udruženje/neprofitna organizacija imaju finansijski izvještaj za 2024. godinu;
- Projekat ili obrazložen zahtjev za odobravanje sredstava.

Posebni kriteriji koje moraju ispunjavati udruženja/ neprofitne organizacije su:

- da se radi o projektu ili zahtjevu koji doprinosi promociji Ministarstva u oblasti obilježavanja značajnih datuma pripadnika policije,

- da unaprjeđuje kulturne, sportske ili druge oblike organizovanja i saradnje udruženja/neprofitne organizacije sa istim ili sličnim udruženjima/neprofitnim organizacijama u FBiH,
- sredstva za provedbu projekata ili aktivnosti koja se traže moraju biti u granicama odobrenih budžetskih sredstava,
- Rješenje o registraciji ne starije od 6 mjeseci;
- Projekat ili zahtjev dostavljen na aplikativnom obrascu koji je sastavni dio Programa;
- Usvojeni finansijski izvještaj za prethodnu godinu.

Nakon pregleda i razmatranja svih dostavljenih dokumenata, Komisija je utvrdila da podnosilac prijave Udruženje veterana policije regije Goražde 1991-1995 ispunjava opće i posebne kriterije utvrđene Javnim pozivom, odnosno Programom o utrošku sredstava.

Komisija je pristupila ocjenjivanju i bodovanju projektnog prijedloga prema bodovnim kriterijima utvrđenim u Programu o utrošku sredstava. Projektne aktivnosti su ocjenjivane skalom bodova od 0 do 30, na način da je za svaki utvrđeni kriterij Komisija davala ocjenu između 1 i 5. Svaki član Komisije je dodijelio svoje ocjene, a ukupan broj bodova je dobijen kada se zbir ocjena dodjeljenih od svih članova Komisije podijelio sa brojem članova Komisije.

Nakon provedenog bodovanja prema utvrđenim kriterijima i na osnovu tablice za ocjenjivanje prijedloga projektnih aktivnosti koja je utvrđena Programom o utrošku sredstava, projektne aktivnosti podnosioca prijave Udruženje veterana policije regije Goražde 1991-1995 članovi Komisiji su bodovali su način kako slijedi:

Bodovni kriteriji	Ocjena (bodovi)				
Kriterijum	Predsjednik	1.član	2.član	3. član	Ukupno (svi članovi)
Da li će predložene projektne aktivnosti imati pozitivan uticaj na aktivnosti Ministarstva u pogledu doprinosa obilježavanju značajnih datuma i događaja?	5	5	5	5	20
Da li su razrađeni očekivani rezultati predloženih projektnih aktivnosti?	5	5	5	5	20
Da li je razrađen finansijski plan pojedinih predloženih projektnih aktivnosti?	5	5	5	5	20
Da li su sve predložene projektne aktivnosti odgovarajuće predstavljene u finansijskom planu?	5	5	5	5	20
Da li je obezbijeđena vidljivost, promocija, korištenje i širenje rezultata ovog Programa?	4	4	4	4	16
Visina sopstvenih sredstava od strane aplikanta potrebna za provedbu projektnih aktivnosti?	4	4	4	4	16
UKUPNO BODOVA	28	28	28	28	112
KONAČNA OCJENA (Zbir ukupnih bodova svih članova / broj članova Komisije)				28	

Na osnovu dojeljenih bodova i ocjena svih članova, Komisija utvrđuje da je prijedlog projektnih aktivnosti podnosioca prijave Udruženja veterana policije regije Goražde 1991-1995 od maksimalnih 120 bodova, osvojio 112 bodova, te je ocjenjen sa konačnom ocjenom 28.

Ad.5.

U skladu sa članom 2. Rješenja o imenovanju Komisije, Komisja je dužna da sačini Rang listu potencijalnih korisnika koju će zajedno sa Zapisnikom dostaviti ministru na dalje postupanje. Na osnovu izvršenog ocjenjivanja i bodovanja prijava, Komisja je utvrdila sljedeću Rang listu potencijalnih korisnika:

Rb.	Naziv podnosioca prijave	Ispunjenost općih i posebnih kriterija	Broj osvojenih bodova	Konačna ocjena
1	Udruženje veterana policije regije Goražde 1991-1995	DA	112	28

Ad.6.

U vezi sa tačkom tekuća pitanja, predsjednica Komisije je informisala prisutne da će se Zapisnik sa održane sjednice Komisije, zajedno sa Rang listom potencijalnih korisnika i cjelokupnom dokumentacijom u vezi Javnog poziva, u skladu sa članom 2. Rješenja o imenovanju Komisije, dostaviti ministru na dalje postupanje.

Sjednica Komisije za odabir aplikacija je završena u 13:00 h.

Zapisnik vodila: Edina Subašić


Komisija za odabir aplikacija:

1. Edina Subašić, predsjednik _____
2. Amir Dedović, član _____
3. Admir Huseinović, član _____
4. Ismin Bukva, član _____